

1989

Buðu kvennalistakonum upp á stafalogn á Stórhöfða

Við kvennalistakonur áttum ógleymانlega daga í Vestmannaeyjum 18. og 19. september sl. Við heimsóttum fiskvinnsluhúsin, skólana, sjúkrahúsið, heimili aldraðra, barnaheimili, verslanir, dagvistun þroskaheftra, kertaverksmiðjuna Heimaey, kökuhús Vilbergs, skrifstofu Snótar og bæjarskrifstofurnar, og þrjár okkar sátu bæjarráðsfund. Nokkrir vinnustaðir urðu því miður útundan og bíða betri tíma.

Viðtökurnar voru alls staðar mjög góðar og bæði mannlif og náttúrufegurð Eyjanna hafði mikil áhrif á okkur. Veðurguðirnir lögðu sitt af mörkum til að gera þessa heimsókn sem eftirminnilegasta og buðu jafnvel upp á stafalogn á Stórhöfða, þegar við komum þangað í fylgd Svans Gisla, sem bauð okkur í útsýnisferð.

Á opna fundinum í Hótel Pórshamri var hins vegar ekkert stafalogn, heldur fjörugar umræður án stífra fundaskapa eins og venjan er á fundum Kvennaistans.

Á forsiðu "Dagskrár" 22.september sl. lýsir J.G.A. þessum fundi frá sinum sjónarhlí og lætur þar m.a. í ljósi, að eftir fundinn sé hann "ekkert nær um t.d. stefnu (stefnuleysi) Kvennaistans í efnahags- og atvinnumálum". Þessi orð koma á óvart, þar eð framsöguræðan, sem var að dómi J.G.A. "frekar "þurr" og langdregin", fjallaði að miklu leyti um þau efni og að auki sá bæklingur, sem kvennalistakonur hafa dreift á vinnustöðum og opnum fundum um allt land, einnig að sjálfssögðu í Vestmannaeyjum. Liklega er þetta enn eitt dæmið um mismunandi málskilning kvenna og karla.

Hins vegar segir J.G.A. réttilega að á fundinum hafi orðið "líflegar umræður um jafnrétti kynjanna á sviði vinnu og launa og um stöðu kvenna í atvinnulífinu og gildismat á konum og þeirra störfum innan jafnt sem utan heimilis." Það er einmitt góð lýsing á þessum fundi og reyndar á umræðu á flestum þeim vinnustöðum sem heimsóttir voru.

Kvennalistakonur biðja "Fréttir" fyrir sérstakar kveðjur til allra sem greiddu götu þeirra í Eyjum og allra sem þær hittu að máli. Slikar kynnisferðir eru ómetanlegt veganesti þeim, sem fást við stjórnsmál.

Kristín Halldórsdóttir